

ՓՈԽՋԻՋՄԱՆ ՎՏԱՆԳԸ

ԲԱՆԱԼԻ ՀԱՄԱՐՆԵՐ.

Երրայեցիս 11.24-25 – Հավատով էր, որ երբ Մովսեսը մեծացավ, հրաժարվեց փարավոնի դստեր որդի կոչվելուց: Նա նախընտրեց Աստծու ժողովրդի հետ չարչարվել, քան թե միառժամանակ մեղսավոր վայելքներ ունենալ.

Ելից 5.1-3 – 1 Եւ հետո Մովսեսն ու Ահարոնը եկան եւ ասեցին փարավոնին. Այսպես է ասում Իսրայելի Տեր Աստվածը. արձակիր իմ ժողովուրդին, որ անապատում ինձ համար տօն կատարեն: 2 Եւ Փարավոնն ասաց. Եհովան ո՞վ է, որ նորա խօսքին լսեմ, և Իսրայելին արձակեմ. Տիրոջը չեմ ճանաչում և Իսրայելին էլ թույլ չեմ տալիս: 3 Եւ նորանք ասեցին. Երրայեցիների Աստվածն է հանդիպել մեզ. հրաման տուր, որ երեք օրվա ճանապարհ գնանք անապատում և զոհ մատուցենք մեր Տեր Աստծուն. միգուցե ժանտախտով կամ սրով հարձակվի մեզ վրա:

- Մովսեսի կյանքը մեզ սովորեցնում է, որ հավատքը միայն Աստծուն հավատալը չէ: Հավատքը նաև մեղքին, աշխարհին և փոխզիջմանը «ոչ» ասելն է:

Աստված Մովսեսին չասաց՝ «Բանակցիր փարավոնի հետ»:

Նա ասաց. Արձակիր Իմ ժողովրդին, որ անապատում Ինձ համար տոն կատարեն: (Ելից 5.1)

1. ԱՌԱՋԻՆ ՓՈԽՋԻՋՈՒՄԸ. «ԵՐԿՐԻ ՄԵՋ ԶՈՅ ՄԱՏՈՒՑԵՔ»

Փարավոնը կանչեց Մովսեսին ու Ահարոնին և ասաց.
Գնացե՛ք, ձեր Աստծուն զոհ մատուցեք այս երկրում: (Ելից 8.25)

Փարավոնի առաջին առաջարկն այս էր. «Կարող եք երկրպագել ձեր Աստծուն, բայց մնացե՛ք Եգիպտոսում»:

Փարավոնն ասում էր. «Երկրպագե՛ք, բայց մի՛ հեռացե՛ք այն համակարգից, որի վրա ես իշխում եմ»:

- **Այսօր նույն առաջարկը հնչում է այսպես.**

Քրիստոնյա եղիր, բայց ապրիր աշխարհի պես:

Եկեղեցի գնա, բայց մի հրաժարվիր մեղքից:

Հիսուսի անունը կրի՛ր, բայց պահի՛ր աշխարհի արժեքները:

- **Մովսեսը մերժեց այդ առաջարկը.**

Ընդունելի չէ այդպես անել... Մենք երեք օրվա ճանապարհ պիտի գնանք անապատ և մեր Տեր Աստծուն զոհ մատուցենք, ինչպես Նա մեզ պատվիրի: (Ելից 8.26-27)

Մովսեսը հասկացավ, որ հնարավոր չէ Աստծուն ընդունելի կերպով երկրպագել՝ միաժամանակ մնալով Եգիպտոսի ազդեցության ներքո:

- **Դեմասը Պողոսի գործակիցն էր, բայց նրա սիրտը դարձավ դեպի աշխարհը.**

Դեմասն ինձ թողեց՝ այս աշխարհը սիրելով: (Բ Տիմ. 4.10)

Առաջին փոխգիշումն ասում է. «Ծառայի՛ր Աստծուն, բայց մի՛ բաժանվիր աշխարհի մտածելակերպից»:

Մի՛ սիրեք աշխարհը և ոչ էլ այն, ինչ աշխարհի մեջ է: (Ա Յովհաննես 2.15)

Մովսեսի պատասխանը սա էր. **«Մենք այստեղ չենք մնալու»:**

2. ԵՐԿՐՈՐԴ ՓՈԽՋԻՋՈՒՄԸ. «ՇԱՏ ՅԵՌՈՒ ՄԻ՛ ԳՆԱՑԵՔ»

Փարավոնն ասաց. Ես ձեզ կթողնեմ, որ գնաք և ձեր Տեր Աստծուն զոհ մատուցեք անապատում, միայն թե հեռու չգնաք: (Ելից 8.28)

«Գնացեք, բայց շատ հեռու մի գնացեք»:

- Այսինքն՝ «Դուրս եկեք Եգիպտոսից, բայց այնքան մոտ մնացեք, որ անհրաժեշտության դեպքում կարողանաք վերադառնալ»:

Սա ներկայացնում է այն քրիստոնյային, որն Աստծուն հետևում է, բայց դեռ կապված է իր անցյալի հետ: Նա

եկեղեցում է, սակայն սրտով շարունակում է նայել
Եզրատոսին:

- **Ղովտը բնակություն հաստատեց Սողոմոն...**

Ղովտը միանգամից Սողոմ չմտավ: Սկզբում նա միայն
ընտրեց Սողոմի մոտ գտնվող բարեբեր տարածքը:

*Ղովտը բնակվեց հովտի քաղաքներում և իր վրանները
խփեց մինչև Սողոմ: Ծննդոց 13.12*

- **Փոխզիջման ընթացքը հետևյալն էր.**

Սկզբում Ղովտը նայեց Սողոմին:

Հետո իր վրանները խփեց Սողոմի մոտ:

Ապա բնակվեց Սողոմում:

Վերջում Սողոմը մտավ նրա ընտանիքի սրտի մեջ:

Փոքր փոխզիջումը ժամանակի ընթացքում կարող է դառնալ
մեծ կապանք:

Հիսուսն ասաց. Հիշե՛ք Ղովտի կնոջը: (Ղուկաս 17.32 x5)

- Իսրայելացիները ֆիզիկապես դուրս եկան Եզրատոսից,
բայց հետագայում նրանցից շատերի սրտերը դեռ
Եզրատոսում էին.

Մենք հիշում ենք Եզրիպտոսում մեր ձրի կերած ձկները,
վարունգները, սեխերը, պրասները, սոխերն ու
սխտորները: (Թվոց 11.5)

Հիսուսն ասաց. Ոչ ոք չի կարող երկու տիրոջ ծառայել:
(Մատթեոս 6.24)

- Աստծուն մոտենալու համար պետք է պատրաստ լինենք
հեռանալ այն ամենից, ինչը մեզ կապում է հին կյանքի
հետ:

Եթե մեկը Քրիստոսի մեջ է, նա նոր արարած է. հներն
անցան, և ահա ամեն բան նոր եղավ: (Բ Կոր. 5.17)

Փարավոնն ասում է. «Հիսուսին հետևիր, բայց շատ հեռու
մի գնա»:

Եթե մեկը կամենում է Իմ հետևից գալ, թող իր անձն
ուրանա, ամեն օր իր խաչը վերցնի և Իմ հետևից գա:
(Ղուկաս 9.23)

Ոչ ոք, ով ձեռքը մածի վրա է դնում և հետ նայում, Աստծու
արքայությանը հարմար չէ: (Ղուկաս 9:62)

Աստծուն հետևելը միայն նախկին կյանքից դուրս գալը չէ:
Մենք պետք է նաև փակենք վերադարձի ճանապարհը:

- Եղիսեի ծառա Գեեզին հետ դարձավ դեպի հարստությունը

Եղիսեն հրաժարվեց Նեեմանի նվերներից, բայց Գեեզին գաղտնի վազեց Նեեմանի հետևից և ստացավ արծաթ ու հազուստ:

Գեեզին՝ Աստծու մարդու՝ Եղիսեի ծառան, ասաց. «Ահա իմ տերը խնայեց այս ասորի Նեեմանին՝ նրա բերածը ձեռքից չընդունելով... ես նրա հետևից կվազեմ և նրանից մի բան կվերցնեմ : (Դ Թագավորաց 5.20)

Գեեզին ծառայում էր մարգարեի կողքին, բայց նրա սիրտը կապված էր նյութական աշխարհի հետ: Նրա փոխզիջման հետևանքով Նեեմանի բորոտությունը կապվ նրան և նրա սերնդին:

3. ԵՐՐՈՐԴ ՓՈԽՋԻՋՈՒՄԸ. «ԹՈՂ ՄԻԱՅՆ ՏՂԱՄԱՐԴԻԿ ԳՆԱՆ»

Փարավոնը նրանց ասաց. Ովքե՞ր են գնալու: – Ելից 10.8

Մովսեսը պատասխանեց. *Մենք գնալու ենք մեր երիտասարդներով և մեր ծերերով, մեր տղաներով և մեր աղջիկներով, գնալու ենք մեր հոտերով և մեր արջառներով, որովհետև դա Տիրոջ տոն է մեզ համար: (Ելից 10.9)*

Բայց փարավոնն ասաց.

Ոչ այդպես, այլ գնացե՛ք դուք՝ տղամարդիկդ, և պաշտե՛ք Տիրոջը...: (Ելից 10.11)

- Ընտանիքը և հաջորդ սերունդը ետևում թողնելու փոխզիջումը:

Այսօր հոգևոր պատերազմը ոչ միայն անհատի, այլև ընտանիքի դեմ է:

- **Յեղի քահանան չկանգնեցրեց իր որդիներին**

Ինչո՞ւ ես քո որդիներին Ինձանից ավելի պատվում: (Ա Թագավորաց 2.29)

- **Յուդայի Յովաս թագավորը**

Քանի դեռ Յովհադա քահանան կենդանի էր, Յովասը ճիշտ ընթացքի մեջ էր:

Յովասն իր կյանքի բոլոր օրերին, քանի դեռ Յովհադա քահանան նրան խրատում էր, Տիրոջ աչքին ուղիղն արեց: Դ Թագավորաց 12.2

Բայց Յովհադայի մահից հետո Յովասը լսեց Յուդայի իշխաններին և հեռացավ Տիրոջից:

«Այս խոսքերը, որ այսօր քեզ պատվիրում եմ, քո սրտում թող լինեն: Դրանք սովորեցրո՞ւ քո որդիներին»: Երկրորդ (Օրինաց 6.6-7)

Յեսուն նույնպես հայտարարեց.

«Ես և իմ տունը Տիրոջն ենք ծառայելու»: (Հեսու 24.15)

- Մովսեսի պատասխանը վճռական էր. **«Բոլորս ենք գնալու»:**

4. ԶՈՐՐՈՐԴ ՓՈԽՋԻՋՈՒՄԸ. «ՁԵՐ ՀՈՏԵՐԸ ԹՈՂ ՄՆԱՆ»

Փարավոնը կանչեց Մովսեսին և ասաց. Գնացե՛ք և պաշտե՛ք Տիրոջը. թող մնան միայն ձեր հոտերն ու արջառները. ձեր ընտանիքներն էլ թող գնան ձեզ հետե: (Ելից 10.24)

- Այժմ փարավոնը պատրաստ էր բաց թողնել ամբողջ ժողովրդին, բայց ցանկանում էր պահել նրանց ունեցվածքը:

Այսիքն, հոգևոր կյանք առանց զոհաբերության:

Փարավոնի առաջարկն այս էր. Դուք կարող եք անձամբ գնալ, բայց ձեր ունեցվածքը թող մնա իմ իշխանության տակ:

Սատանան չի անհանգստանում այն երկրպագությունից, որը մարդուց ոչինչ չի պահանջում: Սակայն իրական երկրպագությունը միշտ ունի զոհաբերության գին:

Մովսեսը պատասխանեց.

Մեր հոտերն էլ մեզ հետ պիտի գնան. դրանցից մի կձղակ անգամ չպիտի մնա, որովհետև դրանցից ենք վերցնելու մեր Տեր Աստծուն զոհելու համար: (Ելից 10.26)

«Ոչ մի կձղակ չպիտի մնա» նշանակում է՝ ամեն բան պատկանում է Աստծուն:

Քո կյանքը, ընտանիքը, ժամանակը, պարգևները կարողությունները և ունեցվածքը պատկանում են Աստծուն:

- Անանիան և Սափիրան ունեցվածքի հարցում խաբեցին
Անանիա՛, ինչո՞ւ սատանան քո սիրտը լցրեց, որ դու Սուրբ Հոգուն ստես և արտի գնից մի մասը քեզ պահես: (Գործք Առաքելոց 5.3)

Նրանց մեղքը միայն գումար պահելը չէր: Նրանք ուզում էին ամբողջական նվիրումի պատիվը՝ առանց ամբողջական նվիրումի գնի:

ԻՆՉՈ՞Ւ Է ՓՈԽՁԻՋՈՒՄՆ ԱՅԴՔԱՆ ՎՏԱՆԳԱՎՈՐ

- **Փոխ-զիջումը սովորաբար սկսվում է փոքր զիջումով:**

Միթե չգիտեք, որ մի փոքր խմորն ամբողջ զանգվածն է խմորում: (Ա Կորնթացիս 5.6)

Փոքր փոխգիշումը կարող է դառնալ մեծ կապանք: Այն, ինչ մենք այսօր հանդուրժում ենք, վաղը կարող է իշխել մեզ վրա:

- Սամսոնի անկումը մեկ օրում չկատարվեց: (Դատ.16):

ՄՈՎՍԵՍԻ ՀԱՂԹԱՆԱԿԻ ԳԱՂՏՆԻՔԸ

Նա համբերեց՝ կարծես Անտեսանելիին տեսնելով: Եբրա. 11.27

- Մովսեսը կարողացավ մերժել փարավոնի առաջարկները, որովհետև նա տեսնում էր մի բան, որը փարավոնը չէր տեսնում:

*Նայելով Հիսուսին՝ հավատի զորագլխին և կատարողին:
Եբրայեցիս 12.2*

- Մենք նույնպես երբեք չպետք է փոխգիշման գնանք մեղքի և սատանայի հետ: Աստված փրկեց Իսրայելին Եգիպտոսից, և Քրիստոս Իր արյամբ մեզ ազատել է մեղքի իշխանությունից:

*Արդ, եթե Որդին ձեզ ազատի, ծշմարտապես ազատ կլինեք:
Հովհաննես 8.36*

Փրկությունը Եգիպտոսից միայն դուրս գալը չէ: Փրկությունը նաև Եգիպտոսը մեր սրտից դուրս հանելն է:

Այսօր Տերը մեզ կանչում է ամբողջական նվիրումի.

Ոչ մի փոխզիջում: Ոչ մի վերադարձ դեպի աշխարհ: Ոչ մի
ընտանիքի անդամ ետևում: Ոչ մի կժղակ Եգիպտոսում: Ես և
իմ տունը Տիրոջն ենք ծառայելու:

«Մենք այստեղ չենք մնալու»:

«Մենք հետ չենք դառնալու»:

«Բոլորս ենք գնալու»:

«Ոչ մի կժղակ չպիտի մնա»

**ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՂ ԱՅՍ ՊԱՏԳԱՄԻ
ՄԻՋՈՑՈՎ**